

摸範軍人

第四冊

尉遲敬德

蘇定方

李光弼

郭子儀

事略

馮國璋題



每冊  
定價  
一角

# 少年叢書

巴二九  
出十冊

林肯	馬援	蘇秦	岳飛	陶淵明	大彼得	畢斯麥	文天祥	諸葛亮	信陵君	班超	蘇軾	朱子	張良	玄奘
達爾文	司馬光	華盛頓	哥倫布	克林威爾	格蘭斯登	加里波的	蘇格拉底	富蘭克林	拿破崙	納爾遜	王陽明	郭子儀	德謨士	

## 商務印書館發行

元(967)

The Model Soldiers  
Vol. IV

Wei-ch'ih Ching-teh, Su Ting-fang, Li Kuang-pi & Kuo Tzu-i  
Commercial Press, Limited

All rights reserved

中華民國四年十月初放

模範軍人(尉遲敬德 蘇定方 事略一冊)  
第四冊(李光弼 郭子儀)  
(每冊定價大洋壹角伍分)  
(外埠酌加運費匯費)

編纂者 無錫孫毓修

發行者 商務印書館

印刷所 上海北河南路北首寶山路  
商務印書館

總發行所 上海棋盤街中市  
商務印書館

分售處 商務印書館分館  
北京天津保定奉天吉林龍江  
濟南太原開封洛陽西安南京  
杭州閩贛安慶蕪湖南昌漢口

長沙常德衡州成都重慶瀘縣  
福州廣州潮州香港梧州雲南  
書陽 張家口 新嘉坡

此書有著作權翻印必究

# 模範軍人第四冊目錄

## 尉遲敬德

一 初事劉武周

三 赤心報主

五 冒險入敵

七 功在社稷

九 癡瘕悟主

陪葬昭陵

## 蘇定方

一 隋季之大亂

二 少年殺賊

二 遇得其主

四 殿門奪稍

六 不爲利誘

八 威却突厥

十 諫伐高麗

三 對外之勇

五 守正不阿

七 掩擊都曼

九 結論

### 李光弼

一 孝行俱備

三 子儀推薦

五 召赴行在

七 孤城却敵

九 小人敗事

### 郭子儀

四 西征立功

六 冒雪成功

八 滅百濟國

二 少年知名

四 安輯常山

六 治軍嚴肅

八 汴洛之勝

十 身繫安危

- |    |       |    |      |
|----|-------|----|------|
| 一  | 李白相救  | 二  | 常山之捷 |
| 三  | 薦李光弼  | 四  | 肅清潼陝 |
| 五  | 收復兩京  | 六  | 廟謨失算 |
| 七  | 宦官之忌害 | 八  | 再復西京 |
| 九  | 疏諫遷都  | 十  | 單騎退虜 |
| 十一 | 威懾羣小  | 十二 | 身榮名泰 |

# 模範軍人第四册

## 尉遲敬德

### 一 初事劉武周

尉遲敬德朔州善陽人。

今山西雁門道朔縣治。

大業末。

隋楊帝年號。

從軍高陽。

今直隸保定高陽縣東二十

里五討捕羣賊以武勇稱累授朝散大夫定楊可汗劉武周起於并州以爲偏將

與宋金剛南侵陷晉滄二州。

晉州即今山西河東道臨汾縣治滄州唐置今山西翼城縣西。

而敬德軍孤軍深

入至夏縣。

即今山西河東道夏縣治。

應接呂崇茂襲破永安王孝基執唐將獨孤懷恩唐儉

等威名震於一時。

雖然敬德即驍勇而武周終非撥亂反正之人天下洶洶瑰奇之士正應擇主

而事雲起龍驤化爲侯王詎可明珠投暗鸞鳳棲棘以自誤也。

二 遇得其主

唐武德三年

唐高祖年號

秦王世民擊破定楊可汗武周及其將宋金剛武周所得

州縣皆入於唐時敬德爲定楊守介休秦王素慕其才遣使說之卽舉城以降

秦王大悅賜以曲宴

曲宴謂私宴也以示親暱之意

引爲右一府統軍從擊王世充於東都定

楊之將有尋相者與敬德同守介休同時降唐者也旣而尋相復叛諸將疑敬

德響應囚之行臺左僕射屈厥通尙書殷開山咸曰

敬德初歸國家情志未附此人勇健非常繫之又久旣被猜貳怨望必生留  
之恐貽後悔請卽殺之

夫以敬德之赤心豈至爲此後世讀史者盡能諒之而當是非未明讒言朋興  
之日則非英主不能白其誣英主於此豈惟白其誣而已更得乘此施其籠絡  
之術使之感激圖報而收效於將來秦王謂屈厥通等曰





寡人所見有異於此。敬德若懷反背之計，豈在尋相之後耶？  
遽命釋之，引入臥內，賜以金寶，謂曰：

丈夫以意氣相期，勿以小疑介意。寡人終不聽讒言以害忠良，公宜體之，必應欲去，今以此物相資，表一時共事之情也。

### 三 赤心報主

敬德聞言，誓無二志。是日從獵於榆巢。

在北邙附近，即魏宣武陵所在地也。

遇王世充領步騎數

萬來戰。世充驍將軍雄信領騎直趨秦王，敬德躍馬大呼，橫刺雄信，墜馬。賊徒稍却。敬德翼秦王出圍，復入陣，與世充交戰數合，其衆大潰，擒其將陳智略等。秦王謂敬德曰：

比衆人證公必叛，天誘我意，獨保明之。福善有徵，何相報之速也。

特賜金銀一篋。此後恩遇日隆。敬德之忠，太宗之明，皆所謂千載一時者矣。彼

屈原之沉河。不聽人屈原屢諫懷王以死賈誼之短氣。賈誼漢文帝時人高材不

之忠因以自檀道濟之自壞長城。檀道濟事宋武帝文皇帝甚有戰功為魏人所

況抑鬱而死岳武穆之未抵黃龍。岳武穆渡河北伐累戰皆捷語其下曰直抵黃忠

而見疑信而被謗聞其事者能不感極而泣也哉。

#### 四 殿門奪稍

敬德善解避稍。音朔矛長丈八尺曰稍亦作槩每單騎入敵陣敵稍攢刺終不能傷又能奪取

敵稍還以刺之齊王元吉亦善馬稍聞而輕之欲親自試命去稍刃以竿相刺

懼致傷也敬德自信甚深謂縱使加刃亦不能傷請勿除之元吉竟不能中秦

王問曰「奪稍避稍孰為難易」對曰「奪稍難」乃命敬德奪元吉稍元吉

執稍躍馬志在刺之俄頃之間敬德三奪其稍元吉素驍勇雖相歎異甚以為

恥。



古之將士。韜畧之外。必擅技擊。自槍砲興而茲事漸廢。然苟能之。可以練習。膽力可以壯健。筋骸危急之際。短兵相接。兩軍肉薄。則擅技擊者勝矣。況此事相傳。已古。豈可使之絕響也。

### 五 冒險入敵

竇建德自稱夏王。秦王討之。營於板渚。秦王將挑戰。先伏李勣、程知節、秦叔寶等兵。秦王持弓矢。敬德執稍。造建德壘下。大呼致師。敵衆大驚。擾出兵數千騎。秦王遂巡漸却。前後射殺數人。敬德所殺亦十數人。遂引敵入伏內。與勣等奮擊。大破之。

王世充之姪琬。使於建德軍中。乘隋煬帝所御驄馬。鎧甲甚鮮。迴出軍前。以誇衆。秦王羨之。敬德請往取之。乃與高甑生、梁建方三騎直入敵軍。擒琬。引其馬以歸。敵衆無敢當者。

又從討劉黑闥於臨洛。黑闥軍來襲李世勣。其軍四合。敬德率壯士犯圍而入。大破敵陣。又從破徐圓朗。累有戰功。授秦王府左二副護軍。

六 不爲利誘

高祖末年。隱太子巢刺王元吉。將謀害秦王。密致書幣。以招敬德曰。

願邀長者之觀。敦布衣之交。幸副所望也。

敬德辭不受。報之曰。

敬德起自幽賤。逢遇隋亡。天下土崩。竄身無所。久淪逆地。罪不容誅。實荷秦王惠以生命。今又隸名藩邸。唯望以身報恩於殿下。無功不敢謬當重賜。若私許殿下。便是二心。徇利忘忠。殿下亦何所用。

建成得書。知敬德不爲己用。遂怒而絕之。敬德以其事告知秦王。王曰。

公之素心。鬱如山嶽。積金至斗。知公情不可移。送來。但取寧須慮也。若不然。

恐公身不安。且知彼陰計。足爲良策。

元吉等深忌敬德。令壯士往刺之。敬德知其計。乃重門洞開。安臥不動。賊至其庭。數次終不敢入。元吉乃譖敬德于高祖。下詔獄訊。驗將殺之。秦王固諫。得釋。

七 功在社稷

會突厥侵擾烏城。建城舉元吉爲將。密謀請秦王同送于昆明池。將加屠害。敬德聞其謀。與長孫無忌遽啓秦王。勸其速定大計。以安社稷。秦王曰。

今二公

謂建成元吉

離阻骨肉。滅棄君親。危亡之機。人所共知。寡人雖深被猜忌。

禍在須臾。然同氣之情。終所未忍。欲待其先起。然後以義討之。公意以爲何

如。

敬德曰。

人情畏死。衆人以死奉王。此天授也。若天與不取。反受其咎。雖存仁愛之小

情。忘。社。稷。之。大。計。禍。至。而。不。恐。將。亡。而。自。安。失。人。臣。臨。難。不。避。之。節。乏。先。賢。大。義。滅。親。之。事。非。所。聞。也。以。臣。愚。誠。請。先。誅。之。王。若。不。從。敬。德。言。請。奔。逃。亡。命。不。能。交。手。受。戮。且。因。敗。成。功。明。賢。之。高。見。轉。禍。爲。福。智。士。之。先。機。敬。德。今。若。逃。亡。無。忌。亦。欲。同。去。

無忌亦謂事勢已迫。非從敬德之言。其將不免。秦王猶不肯從。敬德復曰。

王。今。處。事。有。疑。非。智。臨。難。不。決。非。勇。王。縱。不。從。敬。德。言。請。自。決。計。其。如。家。國。何。其。如。身。命。何。且。在。外。勇。士。八。百。餘。人。今。悉。入。宮。控。弦。被。甲。事。勢。已。就。王。何。得。辭。

敬德又與侯君集日夜勸進。然後定計。

高祖三子。建成元吉世民也。以次則建成爲長。而世民功高望重。久爲二子所忌。兄弟手足也。昔伯夷叔齊互相讓國。至棄孤竹而逃之。建成元吉徒以猜忌。

之故。至欲加刃于秦王。一賢一愚。何其天淵之相隔哉。而殺機一動。秦王之臣復以報復之說進矣。以殺召殺。皆建成元吉有以啓之也。

時房玄齡杜如晦

太宗爲天策上將時開府置屬杜如晦房玄齡虞世南褚亮姚思廉李玄道蔡允恭薛元敬顏相時蘇勛于志寧蘇世長

薛收李守素陸德明孔穎達蓋文達許敬宗最被寵遇號爲十八學士

皆被高祖斥出秦府不得復入。秦王令長

孫無忌密召之。玄齡等不至。王大怒。取所佩刀授敬德。往謂如彼更無來心。可並斬其首持來。敬德乃往。玄齡如晦自處甚密。入秦王府時。著道士服。與無忌敬德等分道而行。恐爲路人所知也。

是年六月四日。建成與元吉入朝。至臨湖殿。覺有變。欲還。秦王追射。建成殺之。敬德領七十騎。躡踵繼至。元吉走馬東奔。左右射之。墜馬。秦王所乘馬又逸于林下。橫被所挂。墜不能興。元吉遽來奪弓。敬德躍馬叱之。于是步走。欲歸武德殿。敬德奔逐射殺之。其宮府諸將薛萬徹謝叔方馮立等率兵大至。屯于玄武



門殺屯營將軍敬德。持建成元吉首以示之。宮府兵遂散。

是時高祖泛舟于海池。未知諸子之相殺也。秦王命敬德入侍。敬德擐音關甲持矛。直至高祖所。高祖大驚。敬德曰。

秦王以太子齊王太子謂建成元吉作亂。舉兵誅之。恐陛下驚動。遣臣來宿衛。

高祖意乃安。南衙北門兵馬。及二宮左右。猶相拒戰。敬德奏請降手敕。令諸軍兵並受秦王處分。于是內外遂定。高祖以其有安社稷之功。賜珍物甚衆。秦王爲太子。授太子左衛率。

時議者以建成等左右百餘人。並當籍沒。唯敬德以爲不可。于是獲免。由此觀之。敬德之爲人。固不徒以勇力見長。實能知大體。利社稷者也。且當建成元吉。以重利相啗之際。敬德苟捨此而就彼。功成之後。亦何憂不富貴者。徒以太宗之知遇在先。不忍見利而遷。見害而避也。此誠血性男子之行爲矣。